

è ritornato ad Santo Colombano, dove stanno non con gran fortezza. Lo illustre signor Janes è stato qui questa mattina, et è andato al Palasio et ritornerà qua hoggi alle 24 hore. *Post scripta*. Per ritorno de lo illustre signor Sforza di campo, si ha per certo li inimici tutti esser passati Lambro all'opposito di Orio et andar alla volta di Pizigaton, et esso signor Sforza va di longo da lo illustre signor Janes.

Et ditto Podestà et capitano scrive. Zà 4 zorni de li non fa altro che piover, sichè li tempi sono stranissimi.

*Di sier Domenego Contarini proveditor zeneral, da Crema, di 10, hore . . .* Come doveano mandar 500 fanti di là di Lambro per esser adosso de inimici; ma per li tempi piovosi non si ha potuto mandar. Et altre particolarità.

Fu posto per li Consieri una gratia a . . . stampador, di poter stampar Orlando Furioso, correttissimo.

Fu posto per il Serenissimo, Consieri et Cai di XL, et Savii del Conseio et terraferma, dar libertà al Collegio di poter metter una, o do tanse al Monte del subsidio, non ostante il tempo compito di poterle metter, *ut in parte*. La copia sarà qui avanti.

Et sier Gasparo Malipiero el Censor, contradisse, dicendo non si pol metter, et fè lezer la parte che metteva pena etc.

Et il Serenissimo li rispose, il bisogno della terra non era di vardar a parte, et bisognava trovar danari. Hor fu presa.

49 Fu posto per i Consieri, Cai di XL et Savii, restoro a uno dacier . . .

Fu posto per li Savii del Conseio, Terra ferma et Ordini, che acciò non si venga in altercazion di prescedentia, che il Capitano di le galie bastarde, et quelli che *de coetero* si elezeranno sia sotto il Proveditor di l'armada. Et fu posto una lettera sopra di questo a sier Antonio Marzello capitano di le galie bastarde, mandandoli in nota il capitolo di la sua commission, et il Proveditor pagò le galie lui, et fazi iustitia in civil et criminal, etc. Ave 212, 0, 0.

Fu posto per sier Francesco Morexini, sier Francesco Malipiero, sier Almorò Barbaro savii ai ordeni, dovendosi armar, che quelli Soracomiti electi siano chiamati a metter banco, et non volendo allora armar siano ultimi de tutti ad armar, exceptuando però quelli havessero legittima causa da non armar, da esser conossuta per li tre quarti

di questo Conseio, et *etiam* quelli che fosseno allora in rezimento. Ave: 200, 5, 0.

Fu posto, per sier Francesco Morexini, sier Francesco Malipiero, et sier Almorò Barbaro e Savii ai ordeni, una parte: *cum sit* che sier Zuan Contarini di sier Marco Antonio vol mandar una sua nave di 1000 bote al viazo di Barbaria et a Tunis, la qual scala è stà abatalada per il credito di sier Beneto et Sebastian Dolfin qu. sier Daniel et soi maistri fin dal 1516, pertanto sia dato licentia al preditto di poter mandar la ditta nave a quel viazo, con questo, che zonta la sia a Tunis, non smonti alcun in terra s' il Re non pagò il suo debito, e stata li per zorni 6, pagando ducati 700 correnti o la valuta al comesso di ditti, allora essa nave possi praticar etc.; il qual comesso tochi lui li danari. Et perchè *etiam* sier Zuan Contarini resta haver dal ditto signor ducati 700, se intendi resti per lui ditta scala abattalada, et con questo, sopra la ditta nave sia almen homeni 90, sotto pena di perder li noli. Ave 156, 6, 8.

194. *Scurtinio di do Savii apresso i tre Savii 49\* sora le aque, in luogo di sier Tomà Mocenigo intrò Proveditor sora l'armar, et sier Hironimo Zane, ha possession in . . .*

Sier Nicolò Trun fo proveditor al Zante, qu. sier Priamo . . . 79.108

Sier Nicolò Bon fo proveditor sora il cotimo di Londra, qu. sier Domenego . . . 40.147

— Sier Zuan Antonio Dandolo fo al luogo di Procurator, qu. sier Francesco . . . 104. 90

Sier Beneto Vitturi fo camerlengo di Comun, qu. sier Zuane . . 45.147

— Sier Lunardo Zantani è a la camera d'imprestiti, qu. sier Antonio . 104. 88

Sier Zuan Maria Malipiero el grandò, qu. sier Piero, qu. sier Marin . 59.132

Sier Piero Diedo fo conte et proveditor a Liesna, qu. sier Zuane . 67.127

Sier Alvisè Barbo *el grandò*, qu. sier Zuane . . . 44.151

Sier Filippo Vendramin qu. sier Lunardo . . . 64.130

Sier Tomà Michiel è ai X Savii, qu. sier Piero, *da S. Polo* . . . 72.118

† Sier Polo Valaresso fo podestà a Bergamo, qu. sier Gabriel . . 108. 86